

17 JUL 1998

UMNO-PELABUHAN

BIRO ANTARABANGSA UMNO SOKONG CADANGAN PAKSA GUNA PELABUHAN TEMPATAN

KUALA LUMPUR, 17 Julai (Bernama) -- Biro Antarabangsa Umno hari ini menyatakan sokongannya terhadap cadangan Kementerian Pengangkutan menggubal undang-undang yang memastikan pengeksporth Malaysia menggunakan pelabuhan tempatan.

"Dalam hal ini, kita menyokong dan mengalu-alukan kenyataan Kementerian Pengangkutan yang bercadang menggubal undang-undang bagi memastikan penggunaan pelabuhan tempatan secara lebih meluas," katanya Setiausahanya, Haji Mustapha Yaakub, kepada Bernama di sini.

Beliau mengulas kenyataan Menteri Pegangkutan Datuk Seri Dr Ling Liong Sik semalam mengenai usaha kementerianya menggubal undang-undang yang mensyaratkan pengeksporth negara ini menggunakan pelabuhan tempatan.

Menurut laporan, kira-kira 45 peratus pengimport dan pengeksporth tempatan yang masih menggunakan pelabuhan di Singapura.

Mustapha menyatakan kekesalannya dengan sikap tidak patriotik pengeksporth Malaysia yang masih menggunakan pelabuhan di Singapura walaupun mereka sedar kemudahan yang ada di pelabuhan tempatan seperti Pelabuhan Klang dan Pasir Gudang adalah setaraf dengan kemudahan-kemudahan yang terdapat di pelabuhan Singapura.

Beliau berkata pengeksporth Malaysia sepatutnya menggunakan pelabuhan-pelabuhan tempatan bagi menyekat pengaliran keluar wang negara dalam suasana kegawatan ekonomi sekarang.

Dengan mengambil langkah sedemikian, pengeksporth juga akan dapat menjayakan saranan Perdana Menteri Datuk Seri Dr Mahathir Mohamad yang telah meminta semua pihak bersama-sama berusaha mempercepatkan pemulihan ekonomi negara, tambahnya.

Beliau juga meminta pihak berkuasa pelabuhan di negara ini memperbaiki kelemahan-kelemahan sekiranya yang ada dan meningkatkan kecekapan perkhidmatan pelabuhan mereka.

"Langkah ini sudah pastinya akan menjadi satu daya tarikan kepada pengeksporth dan pengimport dalam negara dan juga luar negara untuk menggunakan kemudahan pelabuhan tempatan," katanya.

-- BERNAMA

RV JR MA